



Bodleian Libraries

UNIVERSITY OF OXFORD

This book is part of the collection held by the Bodleian Libraries
and scanned by Google, Inc. for the Google Books Library Project.

For more information see:

<http://www.bodleian.ox.ac.uk/dbooks>



This work is licensed under a Creative Commons Attribution-NonCommercial-
ShareAlike 2.0 UK: England & Wales (CC BY-NC-SA 2.0) licence.

1366
8.

G 217.

TAYLOR INSTITUTION.
—
BEQUEATHED
TO THE UNIVERSITY
BY
ROBERT FINCH, M. A.
OF BALLIOL COLLEGE.

29937 d.8





600049715W

FRANCISCO . CANCELLARIO

VIRO

CVLTO . CASTO . PIO

TAM . ERVDITO

VT . EIVS . VIRTVTI

FACILE . INVIDISSET . MAGLIABECCHIVS

HOC

QVALECVNQVE . SIT . MVNVSCVLVM

TRIBVIT

ROBERTVS . FINCIVS . A. M. S. A. S

AMICO . AMICVS



EX OFFICINA TYPOGRAPHICA IN COLLEGIO VRBANO

APVD FRANCISCVM BOVRLIÈ

A. V. C. MMDVLXXX.



(III)

FRANCISCO CANCELLARIO

ROBERTUS FINCIUS

S. D.

Nudius tertius ad me dedit meus alter Atticus, Vir ille Musis utpote carus¹, Magnus Baro Inscriptionem gratulatoriam ab homine docto Cajetano Profilio in honorem Eminentissimi Antonii Pallottae in Collegium Cardinalium nuperrime cooptati conflata. Mirum sane viri ingenium quod talem ἐπιγραφήν ad normam veterum excitavit! Sed, illis adnotationibus, quibus opusculum exornatur, semel atque iterum perlectis, obstupui, et manum Cancellarii mei de improvviso agnovi.

“ Incessu patuit Dea ! ”

Inde tulit animus ut tibi versus quosdam, sed “ incude male tornatos ” adscriberem, ut facerem videre quomodo aestumant Transalpini Romanos nomine Romano vere dignos, inter quos adnumerare juvat Majum illum clarissimum, De Matthaeis nostrum, tantum inter tantos, Apollinis aequae ac Aesculapii antistitem; et alios quamplurimos.

(IV)

Voluerim hoc carmen primulum formis excudisse, sed moras attulit in Urbe Romulidarum commemoratio amici mei Caroli Forbesii², de arte medendi inter Britannos optime meriti, quem nuper morbo suo feliciter adhibuit Eminentissimus Reipublicae Romanae Moderator, Consalvus ille, Sanctissimae Religionis Columna, Ecclesiae Praesidium, atque omnium bonorum Fautor.

Convenit ut ab Altissimo de die in diem submisce flagitemus ut nobis vitam tam cari capitis, necnon pretiosior illam PII VII, Pontificis vere Optimi, qui Christi Domini Nostri vices in terris tam digne tam feliciter gerit diu multumque conservet! Vale.

Dabam Romae contra Mausoleum Divi Augusti VII.
Kal. Mart. A. U. C. MMDVLXXX.

¹ Magnus Baro de Strandman e stirpe nobili in Livonia ortus.

² Carolus Forbes, M. D. a latere praenobilis Marchionis de Deria honorem habens.

Magna parens rerum toto dominatur in orbe
Roma, sinu doctos quae fovet alma viros !
Ecce ut ¹ grandiloquus vates, quem ripa Clitumni
Inter pastores vult numerare suos,
Altisono cantu Romae celebrare superbae
Miracula est expertus - Dignus et ille lyra ;
Cantat enim ut quicquid Natura creasset in orbe
Urbe in Romulidum stat, fuit, ast et erit !
Salve Musarum et Phaebi Tu magne sacerdos,
Praescie qui Romae fata futura canis !
Quid referas Varronis apem, quae florea rura
Pervolat excerptens quicquid ubique viget ?
Quid ² Marcum Graecas intentum evolvere chartas,
Atque ³ Aulum antiquas qui reseravit opes ?
Quid Bellarminum, Assemannum ⁴ ; avidumque Marinum,
Kircherum, Blondum, teque, Zoega sagax ?
At tales magnae magni stant nominis umbrae,
Maximus atque choro deficit alter adhuc.
Plaudite doctorum turmae ; vos plaudite Musae !
En socium vates nunciat ore novum !
Musarum antistes en Cancellarius adstat,
Musae ⁵ Cunichii fidus et ille comes .
Cedite vos Photii, Suidarum et vos pia turba !
Vera ⁶, et in aeternum bibliotheca viret !
En, quod ⁷ Mevanas vates praesensit avitus .
Exsors miraculum Roma superba tenet !
En Franciscus adest ! doctus, pius, aequus, amicus,
Atticus ⁶, et Cicero, Scaevola, Varro, Philus .
R.F. Plaudebat.

)(VI)(

N O T A E

- 1 Propertius.
- 2 Marcus Tullius Cicero.
- 3 Aulus Gellius.
- 4 Placuit hoc epithetum tali tantoque viro adscribere, qui spectatissima scriptorum antiquorum opera *devoraverat*.
- 5 Cl. Cunichii non alienus erat Cancellarius noster. Idem in praesenti codices quosdam eius manuscriptos cimeliarchae munere digne fungens conservat.
- 6 Dixerim, pace modestiae suae spectatissimae, ut Franciscus noster omnes omnium libros secum semper portat, et ut in eodem Marci Tullii et aliorum virtutes mira quadam concordia coalescunt.
- 7 In Mevania Umbriae pago vitam auspicatus est Propertius Musarum deliciae.

IMPRIMATUR

Si videbitur Reverendissimo P. Magistro Sacri Palatii Apostolici .

J. della Porta Archiep. Damascen. Vicesg.

Fr. Philippus Anfossi Ord. Praed. S. P. A. Mag.

INSTITUTION

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637









